



JNTL



JORNÁL NASIONÁL UNIVERSIDADE DA PAZ

(JNU-PAZ)

Vol. 01, Issue, 12, pd. 02-06 Dezenbru, 2020

ARTIGU PESKIZA

HODI BELE ASESU

ORIJINÁL

INISIATIVA LIDERANSA LOKAL HODI IMPLEMENTA KULTURA TARA BANDU BA FETOSAN NO UMANE HODI FO IMPORTANSIA BA EDUKASAUN

Hakerek Nain : Moises Monteiro (Ezame dia 10-11-2020 oras 15.30-17.30)

Orientador I : Albertino de Jesus, Lic.CSH.,MAP

Instituisaun : Universidade Da Paz, Faculdade Ciencia Sociais no Humana,
Departemento Politika Desenvolvimentu

ABSTRATU

INISIATIVA LIDERANSA LOKAL HODI IMPLEMENTA KULTURA TARA BANDU BA FETOSAN NO UMANE HODI FÓ IMPORTANSIA BA EDUKASAUN

Timor-Leste eziste hanesan nasaun ida tan iha nia kultura, no hahalok rasik inklui relasaun individu, grupu tuir jerasaun ida-idak hodi hanaran Fetosan-umane hanesan hahu husi beiala sira, to'o mai ohin loron, hare' é kultura ida ne'e iha buat barak maka presija atu proteje iha vida moris.

Liu husi Tara-bandu nu'udar kustume tradisional Timor-Leste ne'ebé obrigasaun atu fasilita pas no rekoñese liu husi poder lideransa lokal hodi kordena comunidade no sociedade baseia ba normas tara-bandu nian liu husi involviementu comunidade signifikaun kultura husi simbolu ida prebene mosu komflitu e mos aktividade sosial. Fetosan-umane sai nu'udar pratika tradisional ida importante teb-tebes, tamba bele kria kondisaun hodi haburas solidariedade no fiar ba malu.

Teoria ne'ebe uza ba hakereke monografia ne'e mak hanesan teoria lideransa, teoria kultura, teoria papel, comunidade no seluktan, atu hakerek monografia ne'e uza mos metolojia peskiza tuir teoria Millhes Humberman ho nia sekunsia mak hanesan halibur dadus, obersebasau, entrevista, dokumentasaun e' mos analisa dadus mak hanesan halibur dadus, analisa dadus, interpreta dadus no foti konklusaun. Iha monografia nia resultadu maka,

Implementasaun Normas kultura hodi tau simbolu hanesan tarabandu Halao hahu kedas iha tinan 2015 ho objetivu atu prevene asuntu sira ne'ebe hamosu komplitu hanesan animal tama tos, etika relasaun tuir normas, Reliziaun no normas kultura iha suku laran Tarabandu hodi redus mos kultura fetosaun no uamane ne'ebe iha indikasaun esploarasaun nebe latuir orijinalidade kultura ne'e rasik signifika ema uza salah kultura hodi husu sasan ba malu ho kuantidade ne'ebe a'as ou bo'ot Pratika kultura ne'ebe lao ladun tuir orijinalidade hosi beiala sira maka fo impaktu negativu ba jerasaun foun sira liu-liu ba kresimentu ekonomia familia ladun diak no planu atu haruka sira oan ba eskolah iha nivel ne'ebe a'as.

Hanesan tuir **Sr. Januario da Silva** nudaar lia nain Suku hato'o katak karik ba future mak kultura sei ebeik a'as no komunidasde la dun iha konsiensia atu redus maka bele fo impaktu ba ekonomia familia ida-idak nian moris e' liu-liu ba nexesidade familia bele fo ma'al nutrisaun, impaktu ba saude oan sira labele kontinua ba eskolah iha nivel a'as ba entau sira nia futuru bele ladiak.

Save : Inisiativa Lideransa, Tarabandu

=====

1.1. Antesendente

Timor-Leste eziste hanesan nasaun ida tan iha nia kultura, no hahalok rasik inklui relasaun individu, grupu tuir jerasaun ida-idak hodi hanaran Fetosan-umane hanesan hahu husi beiala sira,to'o mai ohin loron,hare'é kultura ida ne'e iha buat barak maka presija atu proteje iha vida moris, Tuir konstituisaun Repúblika Demokrátika Timor-Leste “ artigu 59” (edukasaun kultura) paragrafu 4, katak “ estadu rekoñese garante ba sidadaun hotu-hotu, tuir sira nia kapasidade, atu bele hetan eskola

boot kona ba investigasaun sientifika no hamorin ou haburas.

Diversidade kultura nu'udar étnika, linguística no manifestasaun seluk husi natureza cultural nian mak hanesan riku soin ida ba prosesu dezvoltimentu no konstrusaun nasaun nian. Tuir kultura tradisionál sira ne'ebé iha, la bele hare'é hanesan elementu kontra ba dezvoltimentu maibe hanesan parte integrante ba dezvoltimentu mak movimentu kultura nian:Serimoria koremetan, lia mate no tuir tradisasaun oin oin, Tara Bandu, regraida ne'ebé iha objetivu hodi estabelese fila fali ordem ka

ekilibriu rekursu naturál sira nian iha organizasaun sosiál ida nia laran. Tuir konstituisaun Repúblika Demokrátika Timor Leste “artigu 59” (edukasaun kultura) paragrafu 5, katak “ema hotu iha direitu atu goza no hari’i kultura hanesan nia obrigatoriu atu haburas, defende, no mos fó valor ba patrimonia kultura.”¹

Fetosan no umamane liu husi fiar ba malu bainhira beiala sira hatudu sira nia asaun, katak sira kompriende hatan ba kultura nian. Atu nune’e kultura bele hametin comunidade sira nia dignidade iha suku laran ne’ebé agora dadaun realidade ita hare’é ho matan, iha suku laubonu beiala sira tau prioridade liu ba kultura, ne’ebé husi comunidade laubonu tenki fó opiniaun ba malu

hodi minisa kultura iha comunidade nia laran, no comunidade tenki halo kordenasaun ho lideransa lokal hodi fó benefisiu ba comunidade liu hosi atividade kultura e’ labele fo impaktu negative ba ekonomia familia ida-idak nian.

2. Identifikasaun problema

Tuir apresentasaun iha leten mak peskizador Interesse duni halo fórmulasaun problema mak hanesan tuir mai ne’e:

1. Liña kordenasaun entre comunidade ho autoridade lokal sei menus kona ba tara bandu!
2. Implementasaun tara bandu atu kontrola ba fetosan no umane sei menus!

¹ Kontituante RDTL artigu 59

3. Menus Konsiencia
komunidade no lideransa
komunitaria atu
implementa kultura
tarabandu iha suco
Laubonu.

3. Formulasan problema

Hare'éliu análiza antesedente no
identifikasun prolema iha leten,
hakerek-na'inhakarak buka
hateneformula problema
hanesan tuir mai ne'e: “ **Oinsá
inisiativa lideransa lokal hodi
implementa kultura tara
bandu ba fetosan no umane
hodi fó importansia ba
edukasaun**” ?

4. Objektivu peskiza

Bazeia ba formulasan
problema mak objektivu husi peskiza
ne'e hanesan:

a) Atu hateneiha sosiedade
kona-ba implementa kultura
tara bandu ba fetosa umane
iha suku laubonu

b) Atu analiza kóna-ba tara
bandu bele hodi hare'é ba iha
fetosa umane iha suku
laubonu.

c) atu halo dikrisaun kóna-ba
tara bandune'ebé hamosu ou
fo impakto ba iha area
edukasaun.

5. Enkuadramento Teoria

Enkuadramento teoria iha peskiza
ne'e mak hanesan:

Papél hanesan aspeitu
dinámiku husi pozisaun (*status*),
ne'ebé ema individu tutur ho
responsabilidade moral relaciona ho
nia pozisaun. Tuir Peritus nain, Dewi
S. Baharata (1983:375) iha
disionariu lian Indonesia ne'ebé

hateten katak papél hanesan parte husi servisu ka mandatu prinsipal ne'ebé tenke hala'o. *“Dalam kamus umum bahasa Indonesia yang menyatakan bahwa: peranan adalah bagian dari tugas utama yang harus di laksanakan.*

Lideransa tuir matenek nain Hendry Pratt Fairchild hateten katak lideransa iha definisaun luan ne'ebé ema individu iha inisiativa hodi lidera ho komportamentu sosial atu regula, diriji, organiza no kontrola ema seluk liu husi prestasaun, kompetênsia no pozisaun.

“Pemimpin dalam pengertian luas telah seseorang memimpin dengan jalan memprakarsai tingkahlaku sosial dengan

mengatur, mengarahkan, mengorganisir, mengontrol usaha/upaya orang lain melalui prestasi, kekuasaan atau posisi” KartiniKartono (1994:33)

Assuntu hanesan hatutan husi Winardi, katak lideransa hanesan ema individu (Mane no Feto), ne'ebé husi organizonaun refere (Governu ka organizonaun privado) ne'ebé eleitu bazeia ba desizaun husi organizonaun refere, atu hili mandatu husi organizonaun refere, ne'ebé iha relasaun ho direitu no dever, atu atinji organizonaun nia targetu.

“Seseorang (Pria dan Wanita), yang oleh organisasi tertentu (swasta atau

pemerintah) dipertunjukkan (Berdasarkan surat-surat keputusan pengangkatan dari organisasi yang bersangkutan) untuk memanku sesuatu jabatan dari organisasi yang ada, dengan segala hak dan kewajiban yang berkaitan dengannya, untuk mencapai sasaran organisasi yang ditetapkan semula.”

KartiniKartono (1994:33)

Bazeia ba dekretu Lei no. 3/2009 konaba kna'ar lideransa Komunitáriu nian, iha artigu 2 (Definisaun Lideransa Komunitáriu) katak:

“Lideransa Komunitáriu ne'e kolektivu (Pakote) ne'ebého objetivu atu organija partisipasaun komunidadade sira atu resolve sira nia problemas, tau interese

ne'ebésempre sai hanesan nesiedade liu. Lideransa Komunitáriu ne'e exersida husi Chefe do Suku no Konsellu do Suku, iha limitasaun ba Suku no aldeia ketak-ketak, eleito tuir akordu ne'ebé termina husi dekretu lei refere.

Tuir Peritus nain *Ordway*

Tead,Lideransa lokal hanesan aktividade ne'ebé fo influênsia ba ema atu nune'e bele iha kolaborasaun hamutuk hodi atinji objetivu komum.

“Kepemimpinan desa adalah aktivitas mempengaruhi orang-orang agar mau bekerja sama untuk mencapai beberapa tujuan yang mereka inginkan.Ordway Tead, (1935: 12).

Nune'e mós tuir **Ralp M. Stogdill, (1950: 13)**, hateten katak lideransa

lókál hanesan prosesu influênsia iha aktividade no grupu ne'ebé organizadu ho esforsu hodi atinji objetivu ne'ebé iha. *“Kepemimpinan desa adalah proses mempengaruhi kegiatan sekelompok orang yang terorganisir dalam usaha mereka menetapkan tujuan dan mencapai tujuan”* Bazeia ba hanoin iha leten nu'udar peskizador halo rezumu katak hanesan Lideransa Lókál tenki iha abilidade no kreatividade ho hamosu ideia ne'ebé diak no bele fó influênsia ba ema individo ou grupu ne'ebé moris iha comunidade ida, hodi bele atinji objetivu ne'ebé positivu.

Tuir Koortz, (iha Disionáriu Kamars,2000:164) *“as influence, the art of process of influencing people so that will strive willingly and*

enthusiastically to ward the achievement of grup” lideransa nu'udar fatór ne'ebé fó influensia, arte ou prosesu prosesu influensia ema atu nune'e sira hakarak servisu hamutuk ho voluntariu ho espiritu bá diresaun hodi atinji objetivus grupu.

Tuir konstituiskaun Republika Demokratika Timor-Leste “ artigu 59” (edukasaun kultura) paragrafu 5, katak “ ema hotu iha direitu atu goza no hari'i kultura hanesan nia obrigatoriu atu haburas, defende, nomós fó valor ba patrimonia kultura. Balun mos dehan katak bainhira foin sa'e sira la iha interese atu hakbit kuiñesimentu kona ba kulttura no valor lokal, bele mos sai nudar risku ba aspetu kultura balun atu lakon, tamba seidauk iha prosesu ida ne'ebe diak iha comunidade

laran, hodi transfere kuiñesimentu ne'e ba jersaun foun.

Tuir matenek nai'n Vijai Sathen (1967 : 157) mengatakan bahwa budaya adalah seperangkat asumsi penting yang dimiliki bersama anggota masyarakat dalam suatu budaya.

Bazeia matenek nain iha leten fo hanoin mai ita katak importante saida deit mak ita iha grupu no komunidadade nia leet iha kultura nian tenke hamutuk nafatin. Bazeia ba suku ne'e sai hanesan mos hanoin iha leten atu nune'e iha komunidadade ida nia laran sempre lao tuir kultura ne'ebé mak beiala sira husik hela ona iha tinan barak nia laran too agora. No mos hetan proteze husi espiritu, tan ida ne'e mak hala'o

seremonia koremetan. Husi lisan ka kustumi ne'ebéita hala'o ka aplika iha fatin, ita presiza hatene no halo buras bainhira lisan ne'e diak no proteze ema husi hahalok la fo vantajem.

6. Metodolojia Peskiza

Sugiyono katak metode peskiza nia bajiku maka metode sientifiku ne'ebé mak ita uza atu hetan dadu ne'ebé klaru ho objektivu no utiliza prova bazeia ba karakteristikusensia katak rasional empiris no sistematiku atu hetan responde no deskreve ba problema ne'ebé ita foti, nu'une iha peskiza ne'e hakerek nain uza metode peskiza kualitatif deskriptivo. Sai hanesan fokus ba peskiza ida ne'e mak atu hatene klean liu kona ba implementasaun Inisiativa Lideransa Lókal hodi

implementa kultura Tara Bandu ba fetosan no umane hodi fó importansia ba Edukasaun iha Suku Laubonu Atsabe, no **Fonte ba dadu husi Dadu Primaria no Dadu sekundaria** husi fatin peskiza. **Tékniku Halibur dadu husi :** Observasaun, Entrevista no Dokumentasaun iha fatin peskiza. **Teknika Analiza Dadu** ho Dadu hotu-hotu mak halibur hamutuk hodi análiza ho metodu kualitativu deskriptivu ho objetivu atu hatene signifikaado klean Kona-ba Inisiativa Lideransa Lókal hodi implementa kultura Tara Bandu ba fetosan no umane hodi fó importansia ba Edukasaun.

7.Resultadu Peskiza no diskrisaun

Apresentasaun dadus tuir resultado peskiza hanesan tuir mai ne'e:

7.1. Baseia ba peskiza ne'ebe peskizador hala'o durante fulan ida hahu 20 de Julho ate 20 Agustu 2020, liu husi entrevista durante fulan ida ba objetu peskiza hetan dadus sira hosi respondent hodi fo dadus tuir topiku ne'ebe relavante liu-liu kona-ba implementasaun tarabandu hanesan meus cultural ida hodi fo bantazen positivu ekonomia ba comunidade suku Laubonu, mak hanesan tuir mai ne'e:

7.1.1.Oinsa ita nia hareé kona-ba Kultura ne'ebe Komunitade Suco Laubonu uza ba sira vida moris

Tuir **Sr. Fransisco P.Horta** nudaar Chefe do Suku Laubonu hato'o katak comunidade suku refere desde beiala sira uza kultura Patrilineal signifika katak " kaben sai " ho nune mak comunidade hanesan

joven nain rua atu hola malu tenke uza kultura ne'e atu hafolin feto fo sasan buah, malus, krau, belak, osan hodi hafolin feto lori ba sira lisan seluk e nune mos kuandu mate tenke halo tuir lisan tolu mak importante hanesan ulun tenke fo krau, kakorok fo krau no hirus matan tenke fo krau ida ne'e maka kultura iha suku ne'e

Papel Chefe do Suku oin sa atu koopera ho uma lisan sira hare kona-ba benefisiu kultura ba comunidade

Hanesan xefe suku halao kn'ar ba desenvolvimentu mos la ses hosi parte kultura nian ami inisia ho parte hotu hodi tau normas akordu tarabandu iha suku ne'e ho objetivu ho bandu hahalok sira ne'e kontra

komunidade hanesan animal, baliza tos, joven sira nia nakarten, e' mos redus lia feto san no umamane ne'ebe husu barlake ba malu.

Tuir ita nia hare hanesan Liu rai ou suku importante ka lae tau simbolu kultura tarabandu iha suku Laubonu ne'e

Tarabandu ne'e kultura tradisional desde inisiu beiala sira uza hodi halao ukun no bandu iha sociedade tomak hahu tempu liurai sira hodi kontrola hahalok iha sociedade, liga ba asuntu kolsan sira, kaben nain sira, kintal ida-idak nian, e' agora mos uza hodi kontrola kultura liga asuntu sira iha leten mos hodi bele fo tempu ba komunidad sira hakiak enkonomia familia iha sira vida amoris.

Ita nu'udar chefe suku oin sa ita uza norma kultural hodi prebene lia kultura ne'ebe a'as loos iha suku ne'e ladun fo benefisiu ba comunidade haruka oan sira eskolah

Ligadu ho asuntu ne'e hanesan xefe suku ami koopera hamutuk ho lia nain uma lisan hamutuk walu iha suku ne'e para bele hanoin positivu no eduka comunidade sira atu iha konsiensia kultural laos atu halakon maibe bele redus numeru kuantidade sasan husu malu para bele iha ekonomia subsistente haruka oan sira kontinua ba eskolah tan iha suku ne'e numeru analfabetu sei a'as loos.

Karik Sansaun sa ida karik comunidade violah normas kultura tarabndu iha suku ne'e

Kona-ba sasaun tuir akordu ho uma lisan walu (8) iha suku Laubonu hahu iha tinan 2015 liu ba konaba respeita emanian kintal, labele kesi animal iha laran, evita naok, respeita emakaben nain sira, lia kultura fetosan no umanane atu halo lia tenke hare ekonomia familia lai, karik se mak viola maka fo sansaun sira hanesan multa osan maximu \$.500, beear dos lima (5) ho krau ida no fos 25 kg karon rua (2), Entrevista : horas tuku 9.00 -10.30 : 07/2020.

7.1.2. Entrevista lia nain suco Laubonu

Oin sa ita nia hare katak kultura ne;ebe a'as loos iha comunidade suku Laubonu ne'e ba sira nia moris,

Hato hosi Sr. Leopoldo da Silva hanesan lia nain e' mos xefe aldeia kultura ne'e diak iha tempu uluk beiala sira uza ba moris ukun iha sociedade e' mos familia kada uma lisan hodi respeita malu, hatene ida-idak nia jersaun hanesan fetosaan no umamane sira, e agora mos bele uza nafatin kultura ba , soke dalaruma ema uza salah haensan fali negoziu atu esplora sasan ba malu ho nune ladun fo bantazen ekonomia familia nebe diak.

Ita hanesan lia nain benefisiu saida mak hosi kultura ne'ebe a'as iha suku ne'e planu oan sira ba kontinua eskolah,

liga ho ekonomia entau katak kultura fetosaan no umaname benefisiu mak atu hatene jersaun tuir uma lisan ida-idak nian, no respeita malu, redus konflitu maibe

ba ekonomia ladun fo benefisiu diak ho rasaun katak soe tempu, ekonomia, kuandu halo lia ida tantu lia koremetan ou hasai fetofolin sempre gastu mak barak liu, ho nune ladun fo bantasen ba inan no aman sira halo planu ba oan sira nian

estudu ho diak. Entrevista
horas : 14.00-16.00 dia 28-07-2020.

8.Konkluzau

Antes atu konklui análiza konaba rezultadu peskiza ne'ebé formula ona, tuir rezultadu peskiza no análiza dadus iha ramu sira dahuluk konaba Fetosan umane no partisipasaun komunidadade iha programa Dezenvolvimentu Suku Laubonu, ho ida ne'e mak hakerek na'in halo konkluzau hanesan tuir mai;

Lideransa komunitaria Suku Laubonu, lia nain sira e' mos komunidadade halao dezenvolvimentu iha area ne'ebe hatu katak :

1. Suku laubonu numeru analfabetu sei a'as

2. Implementasaun Normas kultura hodi tau simbolu hanesan tarabandu

Halao hahu kedas iha tinan 2015 ho objetivu atu prevene asuntu sira ne'ebe hamosu komplitu hanesan animal tama tos , etika relasaun tuir normas, Reliziaun no normas kultura iha suku laran

3.Tarabandu hodi redus mos kultura fetosaan no uamane ne'ebe iha indikasaun exploarasaun nebe latuir orijinalidade kultura ne'e rasik signifika ema uza salah kultura hodi husu sasan ba malu ho kuantidade ne'ebe a'as ou bo'ot

4. Pratika kultura ne'ebe lao ladun tuir orjinalidade hosi beiala sira maka fo impaktu negativu ba jersaun foun sira liu-liu ba kresimentu ekonomia familia ladun diak no planu atu haruka sira oan ba eskolah iha nivel ne'ebe a'as.

9. Depois de halao peskiza fulan ida hakerek nain tuir " Titulo" ne'e konsege hetan resultadu hanesan mensiona iha konklusaun leten e' nune mos hakkerek nain fo rekomendasaun ba intidade relevante sira hanesan alternative hodi bele sai mos referensia hadia diak liu tan hanesan :

1. Kultura hanesan Indentidade Timor nian presija atu konserva nafatin tuir

ninia orjinalidade hosi beiala sira, sai hanesan benefisiu turistiku iha future

2. Ema hotu iha suku laran tenke konsiente katak kultura bele halo mais tenke kareba kbi'it kada familia nian e' labele uza fali sai hanesan negosiu ou halo explorasaun ba malu.

3. Lia Nain sira tenke hare benefisiu ba jersasaun foun sira iha fituru mai liu-liu fo motivasaun ba familia sira atu planu hasae ekonomia familia hosi lori oan sira ba asesu iha edukasaun ho diak

4. Parte lideransa

Komunitaria no Igerja
tenke kontrola ba
komunidade sira
ne'ebe hakarak halo
kultura fetosaa no
umamane tenke fo
kriteria hanesan sira
uma diak ona, oasn
sira asesu ba
edukasaun ona,
ekonomia familia diak
ho nune sira sira
haonin ba familia
moris diak.

Guvernu Lokal no sentral atu tau
atensaun ba infrastruktur baziku
para comunidade bele asesu ba
saude, merkadu, no seluk tan.

Referensi

Henry Pratt Fairchild, 1960, hal, 174 dalam Kartini Kartono, pemimpin dan kepemimpinan, Jakarta, Raja Grafindo Persada, 2006

Dewi S. Baharata (1983:375) iha disionariu lian Indonesia ne'ebé hateten katak papél hanesan parte husi servisu ka mandatu prinsipal ne'ebé tenke hala'o.

Bazeia ba dekretu Lei no. 3/2009 konaba kna'ar lideransa Komunitáriu nian, iha artigu 2 (Definisaun Lideransa Komunitáriu) katak:

Ralp M. Stogdill, (1950: 13), *Kepemimpinan desa adalah proses mempengaruhi kegiatan sekelompok orang yang terorganisir dalam usaha mereka menetapkan tujuan dan mencapai tujuan*"

Sugiyono, (2011:2) iha nia Buku ho Títulu ***Metode Penelitian Kuantitatif dan Kualitatif dan R & D,***

Milles no Huberman, (2011:247) iha nia livru sugiyono, ho modelu interaktivu ne'ebé ho argumentu simples (pokok)

b. Dokumentus

Kostituisaun RDTL (2002), Assembleia Konstituante.

Dekreitu Lei Ministerial Administrasaun Estatál, no. 3/2009, Artigo 2, Konaba
defenisaun Lideransa Komunitáriu

c.Internet

Kepemimpinan-Fisipuh.Blogspot.Com/2009/03/Definisi-Pemimpin.Html,
diakses pada tanggal 20 Februari 2014.